

# 鳳岡林先生全集

六十九之七

和書門類			
一八三九二	函號	一七九	冊架
六七	冊架	七	冊架

內閣文庫			
一八三九二	冊架	六七	冊架
二〇五	函架	二〇	冊架

內閣文庫	
番號	和 18392
冊數	67 (42)
函號	205 251







鳳岡林先生全集卷之六十九

淺草文庫

朝散大夫國子祭酒林信充十僖父 輯

詩部

七言絕句

白牡丹用論語字

可謂明兮曰白乎花如美玉藏諸沽清香三嗅色斯  
舉欲惡魏家紫奪朱

紅牡丹用論語字

可以視兮可以觀浮雲富貴喟然歎花如繪事素成  
絢衣錦女安乎曰安



和奉肥後侯聞鶉有感之詩

何處啼鶉驚客眠五更曉色欲明天林間似學王孫

卜巴蜀飛過屢倒懸

和肥後侯杜鵑花詩

化工染出奪霜楓枝上先看錦葉濃有色有聲相感

應蜀禽啼處蜀花紅

奉賀儲君袖留詩 并序

十五日登城今日 儲君有俗所謂袖留

之賀筵依命作一絕 應聲而成矣

世世德華仰大勳聖恩偏及共歡欣薰風滿袖清和

節包括九州四海雲

和姬路城主和歌詩 并序

姬路城主拾遺源公為令愛約婚儀納幣

在近作倭歌祝之乃和其末字末起樂於

兩家修姻從龜筮納幣相約同心契松風度曲鼓瑟

琴和樂好合閱幾世

鍾馗圖

殿階恩舉誤生涯悔出終南進士家忠憤欲除天下

害夢竟長是避群邪

題山谷愛蘭圖



寂寞秋叢君子姿  
花英擘擘葉猗猗  
德風無隱圖香  
遠却似晦堂聞桂時

七夕

銀漢逐流雲水平  
南飛烏鵲亦何情  
牽牛織女各司  
職誤被人呼盟會名

同夕弄孫

雲漢蘊隆欲絕流  
旻天旱甚暑難收  
童蒙求我無他  
願多却人間乞巧樓

鳴鶴警露秋丁釋菜

鳳翼鸞膺鳴在陰  
秋郊雨霽氣蕭森  
青田胎育年年

約風露林間和德音

賀熊谷直平五十壽賦松菊之事

韋表微稱舊主人  
撫松愛菊託斯身  
松存千歲菊延  
壽五十風霜養本真

墨詩

百練麝臍琥珀油  
妙方近出古皇州  
硯池筆刃楮爲  
國文友呼成卽墨侯

冬至吟

律管吹灰感至誠  
一陽動處地雷轟  
梅花猶未催詩  
興始見香芸繞閣生



幼孫在傍操毫書字撫愛之餘漫賦一絕  
自言老馬再為駒戲伴兒孫共弄雛期祝渥注名種  
產一家美譽取長途

奉和岡崎城主執政拾遺源公冬日偶成

一言一行管樞機心裡工夫開闔扉義氣忠勳無別  
事堂前繙卷對芸暉

嚮呈冬至詩拾遺源公辱惠和章因疊前押

百官先賀竭忠誠萬馬高嘶車轍轟省察乾元純粹  
德地雷資始一陽生

肥後羽林雲嶽源公十三回忌辰嗣子拾遺

源公修追悼法會且作一絕寄示之平生  
懇篤有餘禮遇不謗師友之好不堪哀慕  
錯雜原韻以呈廟前

其一 述平生懇遇

金蘭修好認餘香剩見武林劍戟光講會詞談不知  
倦豈忘徐榻下黃堂

其二 述忠孝之志

孝養晨昏侍北堂靈寃歸去一爐香平生義氣寸心  
赤綏國撫民恩眷光

其三 述藝術之妙



樂意相關綠野堂雪花水竹弄清光顛張醉素龍蛇  
動筆下風雲古墨香

季冬廿八日公嫡子雞峯四十二回忌辰杖

老淚賦一絕

門上掛冠謝世緣唯期家業久相傳影前滴盡舊時  
淚遺老今逢永訣年

有憶故侯管參議

萬物昭蘇人已空花前惹恨泣春風英雄亾跡無消  
息一炷爐香敬為公

春寒花遲

番信愆期和氣微寒威叫峭奪春暉鶯梭欲織上林  
錦多少工夫懶下機

寄竹祝

賀木原因牧七  
十之筭二管

清陰老叅託吟覓亭立團欒枝葉繁受用真成千歲  
計保雪節養霜根

貞竿直立翠陰繁壽色千年和氣溫欲得仙家九節  
杖林間移種養靈根

賀曾我祐興詩

并序

前播磨守曾我祐興自壯年顯官竭志齡  
踰七旬乞骸致仕閑居幽莊然有召則登



營安樂養志今茲丁未九十開賀筵余亦  
有舊好交情頗渥故賦一絕以祝之慶之  
七十古稀八十然特加十歲一身全百齡尚在亦何  
怪壽域無疆天上仙

閏正月朔旦口號

和氣融融報淑光再逢正朔祝三陽春王頌瑞門中  
立鳳曆先添一尾長

詠雪二首

昔乘清興求新句今厭嚴寒養老身爐底擁  
臥更無一箇問安人

食居溫飽一身安世上多迷行路難昨夜火災今日  
雪士民愁苦不堪寒

奉和忘言齋公春雪韻二首

寒勢鎖春關路中陽和蟄屈奈難通希聲皎潔陶詩  
妙禁體求工却不工

近濃遠淡白望中郊野山林道不通識得人間難畫  
處幻花空月是天工

李白觀瀑圖

海岳飛流懸瀑泉謫仙非謫即飛仙銀河瀉下三千  
尺八極神遊欲上天



飛流濺沫領風聲白髮添明詩思清知是天仙謫人  
世翰林喚做一長庚

竹里館

獨坐深林不負期  
嵇琴阮嘯共追隨  
人間豈解至音  
妙唯有上天明月知

范蠡

吳越興亡軍務休  
功名恰似一漚浮  
歸來永棄人間  
事身世悠悠湖上舟

葵花傾陽

風下錦機含瑞光  
叢中旌節歷群芳  
牡王藥相做何

事不似葵心傾大陽

李白觀瀑

飛流濺沫洗塵腸  
一派銀河千尺長  
欲識廬山真面目  
謫仙去後醉歐陽

瑞春院女君七十賀筵獻九節杖奉賀齡筭

女君者 常憲廟之內寵也

幾年相約引齡高  
鶴有縞衣龜綠毛  
九節行休金母  
杖瑤池春宴醉仙桃

江陵見李

春丁  
釋采

伯陽指李稱玄玄  
枝葉相分姓氏源  
花被無爲風化



育發揮道德五千言

記夢 并序

臯月十三夜夢倍侍

大神君及

常憲

廟談治平之事武門領闔國之權已來未

有如此之盛也依命恭裁一絕唯記一

二句未得三四句因賡成之

威名赫赫萬邦寧杯看鎌倉與室町世世長蒙治教

化丹衷傳業舊瓊青

示嫡孫泰助 并序

偶步園中時榴花一兩枝初開絳葉明媚

慰目怡心時聞嫡孫泰助今茲七歲誦了

大學喜而有餘祝而不足古人以榴花為

登科信可謂家業相續之前兆奇瑞也珍

珍重重彌期眉壽長久揚譽聲因賦一絕

以勵前程而抒賀情

安石榴花朵朵清綠陰淡處發紅英一家先報登科

信期祝韓公照照明

牧童吹笛圖

是非得失總相忘牛背行過村路長赤壁有期風月

夜一聲吹裂翠崖岡



山谷愛鷗圖

氣類相求同有期莊周胡蝶亦奚疑  
涪翁夢作白鷗  
太覺後是非難得知

杜若圖

偶向洲前采杜蘅紫英青葉共新清  
靈均太後無人  
問我國遺芳在業平

奉賀新築

南風薰徹萬祥臻畫棟雕梁奐矣輪  
豈翅中申有愉  
色新居德化作新民

七夕

河漢雨晴風露新南飛烏鵲不迷津  
老羸扶病卷五  
拙却勝人間乞巧人

靈梅祠

多聞山天現  
寺十境之一

北野西州雲水隣靈祠認跡德光新  
香風應盛祭如  
在花抱清標神化身

芙蓉出波

秋丁  
釋菜

紫蘂朱房何彼穠秋江風冷水煙濃  
玉芙蓉承露仙人  
掌擎出吾邦八葉峯

示嫡孫泰助

并序

嫡孫泰助今茲七歲仲秋上丁欲觀文廟



祭儀及其期三獻之後正容色著禮服拜  
詣抱誠進退協宜皆以感之欲之余聞其  
事初則喜其志激切中則期其學新進終  
則祝家祀長傳仍賦一絕而抒寸情爲道  
爲家貽厥孫謀云

廟池采藻浴秋風泗水通流道已東  
觀祭猶期登第選我家喚做賈黃中

題蕪武圖

沙漠風寒雪滿天詎知雁信帛書傳  
白頭身老忠心赤漢節長持十九年

奉和忘言齋十六夜詠雨絕句瓊韻  
歲歲秋光多遇雨風聲未使濕雲收  
絕勝昨夜霓光曲四壁候虫心亦幽

馬圖

剛鬣駿蹄勁骨成房星墜地現奇精  
茫茫冀野志千里一顧無人空復情

商山四皓圖

呂氏強梁漢室危徵書招隱失心期  
紅雲影鎖桃源路悔向商顏采紫芝

鍾馗圖



鳳岡全錄 卷之六  
終南進士誤斯身魁岸形容絕等倫忠憤能除天下  
害欲誇武德甲科人

竹間白鳳

佳實低垂竹影濃擇居何必集梧桐德音節節互相  
應六律吹傳嶰谷風

孤馬

虎文龍骨有誰知或出大宛或月支不用一超千里  
志人間夏欠範驅馳

櫻下孤馬

花下相攸避世埃奇精勁骨卽龍媒氣凌千里竟何

益磬控無人不盡才

紅牡丹

花中富貴覺春回紅靄彩霞相間開國色妍妍人世  
外天香郁郁日邊來

白牡丹

非紅非紫又非丹白白重光清一般誇說仙家琪樹  
色銀盃玉露與人看

程伊川

濂水通流泗水濱經筵進講細評論君王徒欲避螻  
蟻未使仁心及兆民



自述

講帷幾歲荷恩頻劍佩立登要路津來學加多文物  
盛只今唯養老衰身

鷹圖

鐵爪珠眸張錦文揚揚壯氣似離群誰知學習數飛  
志遠入九霄千里雲

林和靖

有梅有鶴授  
井上嘉善

水月託情湖上仙九臯雲接六橋邊鶴知佳客梅為  
主除是孤山別有天

奉和三宮妃君倭歌

并序

三宮老寵妃君追悼 憲廟二十四忌辰

示倭什一篇句意奇絕感懷浚切乃撮末

字而為省韻謹因侍嬖奉呈玉座

瑤臺月暗影相逢霓羽曲殘舞亦從羯鼓無聲花未  
發白頭濺淚說玄宗

賀燕窺檐

正月  
會集

新巢棲止定而靜安慮得得入佳境天命發祥降生  
商孫緒傳承基業永

恭修管祭謹賦一絕情見于詩

家世西曹儒業人蚤昇台位晚稱神爐香壺酒禱期



久爲道爲邦又爲身

應中大夫丹治君招席上出梅花一枝曰此

是 先主常憲廟庭際所有之種也佳色

暗香非常品在世之日珍愛特深分賜數

枝好事者接之他 而所開也其色其香

無異也可謂鶴種并龍種者也豈瓜皮搭

李皮之謂乎哉熟思往事感懷無已因賦

一絕呈之青玉案下

根枝雖異玉肌同恰似師雄記夢中花剩殘粧人已

太暗香三嗅泣春風

日邊紅杏

春了釋菜

穠艷奪霞花未分枝頭春意自欣欣上林移得蓬萊

種海日添光五色雲

牡丹圖

有睡貓有胡蝶

一叢交影發紅英胡蝶雙雙飛舞輕線眼睡闌苗介

立花飄畫錦向繁榮

哭紀元海

初名備後守執政少將筑前守末子也與我同情莫逆不堪非嘆

昔年樽酒始相逢我爲強齡君總角後我降誕先我

瞑夢乎非夢夢早覺

偶作嘆無友



鳳閣全書  
卷之六十一  
三十一  
昔日交遊事討論經筵詞苑共循循臥床非啻嘆衰  
老無可語人無問人

哭繼室三首

并序

繼室今茲六月二十四日七十二歲掩粧  
笄歲爲箕帚之妾其後產二男一女克仕  
克勤侍內室爲之助堪家事因以爲繼室  
不幸罹疾卒太哀惜之餘因賦三絕

五十年來約偕老豈意遠遊先我早荆釵曾祝連理  
枝蓉糝今作斷腸艸

閨中獨坐泣秋風菊枕葛衣蕙帳空蟻蛭王侯無說

夢世間甲子亦相同

煮蒿昭明心性誠遊竟無返隔幽明夢中相見不福  
語暮雨朝雲空復情

七夕有感

恨入銀河烏鵲橋昔年今夕物皆違人間盟約須臾  
事可羨二星相見希

見繼室新墳有感

內助昔曾宜室家祗今永訣隔天涯歡情未斷寵先  
斷忍見階前夜合花

對月有感



鳳岡全集 卷之十九 十一  
閨中唯獨苦昏蒙  
晴影雖明夜色空  
不使嫦娥饋靈藥  
秋風引恨入天宮

中元有感  
憂鬱滿腔何日開  
自羞蠢動老齡頽  
蘭盆蓮飯渾虛設  
俗習昏迷竟返來

見內人所植石竹花雞冠花有感

羅裙繡出不知裁  
惆悵內人曾自裁  
問取秋叢有何意  
爲誰飄盡爲誰開

無數雞冠發錦英  
紫騮添色露華明  
花持五德存貞操  
愧我偷生未結纓

感懷

老忝秋思又有誰  
宋悲潘與少陵詩  
葛衣當暑服無斃  
污澣爲予何改爲

亡妻沒後五七日有感而作

凶竄爲吉吉爲凶  
世事轉移相互從  
知是靈寃能待我  
空床頻夢舊時容

七七忌辰偶作

七七忌辰空斷腸  
愁心如湧不能忘  
爐香煙散酒料盡  
回晉猶如在病床

鳳鳴朝陽圖



朝陽添影羽毛分千仞高翔思不群  
有邑有聲王者瑞九昭度曲九苞文

山水圖

岷嶷危峰雲影生老松閱世勢崢嶸  
數間茅屋無人問一片孤舟盡日橫

叅兄正忌辰有感

桑田爲海亦何疑人世升沈互變移  
六十二年和夢過夏無一事似前時

重陽見菊憶人

金葉交枝玉露華重陽報節淚橫斜  
東籬秋色何知

可不見淵明不見花

九月十三夜月色不晴然頃間霖雨輕陰也

足老來不問晴雨然古來以今宵爲佳期

故強作一絕

秋晚佳期暗斷腸病牀萬事總相忘  
上天何識人中苦晴影庄明虛白堂

移繼室神主于別處羞薦粢菜餅饅酒茶菓

庶品不堪惆悵叨賦一絕

感時觀物不勝情五十餘年同穴盟  
晨省夜談追舊事靈寢雖去凜如生



懷舊之餘嘆世情

昔年曾覺俗風淳近世時粧事事新  
身老道微皆歸薄夢中不見厚情人

華山放馬圖

若非驛路定驅黃千里凌風意氣揚  
一自華山放縱後遠傳回野思才臧

桃林放牛圖

休說杏村童牧馳青毛白角現肥姿  
綵繒豈及桃花色平野行行不與穢

廬山圖

瀑布垂絲千尺長香爐風引紫煙光  
清泉白石有期約唯待樂天修艸堂

天台山圖

三島十洲相後前奇峯秀出栖靈仙  
層雲四萬八千丈半落人間半上天

竹間虎圖

千里橫行踰海寰鋸牙揮乙竹林間  
南山惡木何安栖翠袖含風窺一班

送肥後侯拾遺源宣紀

并序

肥後侯拾遺源宣紀賜暇歸休其餘暇詣



日光山拜 東照宮及 大猷廟恭賦一

絕秉心塞淵禮敬有餘謹次其韻而述鄙

志

四海九州雲水亨化風華舊悉文明白魚蒼兕示佳

瑞周道如砥天下平 右 東照宮

稷契昔曾世祀存敷教播穀輔賢孫上天有命傳餘

慶八百年間戴聖恩 右 大猷廟

鳳岡林先生全集卷六十九

鳳岡林先生全集卷之七十

男 朝散大夫國子祭酒林信允士僖父 輯

詩部

七言絕句

龍門圖

六六鮮鱗勢奮然禹門高聳瀑泉懸沂澗三級桃花  
浪他日登飛在九天

百合花

夜合花叢似報歡嬋娟佳色露溥溥膩紅粉白開還  
闕不問括香御史官



亾嫡婦二十五回忌辰不堪追慕聊述哀情  
孝順昔曾宜室家狂風吹徹落三花白頭依舊人何  
在淚雨無乾嘆老涯

奉祝 尊大君誕辰

萬物資生歲月豐坤元一氣自融融兕觥先祝無疆  
壽飲讌頌恩長樂宮

述幽風十月詩併說漢祖  
十月長樂宮朝儀之事

淡色牡丹

玉蘂含光風露清姚黃魏紫安繁榮天香別有新粧  
淡誤被人呼富貴名

山谷愛蘭圖

風送國香佳氣分幽叢寂寞不堪聞此花亦是江南  
種休問寶薰一穉雲

亾妻十四回忌辰讀嫡男哀詞不堪感嘆因

賦一絕

閨中維昔事貞閑今隔幽明不見顏後我降生先我  
沒婆娑十有四年間

戲題鷓鴣庵

餞送長谷川  
氏歸洛陽

升沈任運不相干人世漫求居室完茅屋三間棲息  
足鷓鴣猶識一枝安

奉和內寵尼君追悼和歌冠字二首



內宴專寵荷恩榮清歌妙舞臺上鳳昔時歡笑今日  
憂二十年來一覺夢

徃時殊恩渾似夢何況忌辰別後夢霓裳曲罷不見  
人唯有羽衣入幻夢

同奉和未字

獨守幽閨貞操存兩情好合契金蘭園花窻月皆依  
舊日夜相思未肯言

文殊圖

多智多才性本根維摩問道得評論欲知十種吉祥  
妙指示身心不二門

賀關口道閑八十壽筭賦一絕應其需聞依

父命書法華經數部納于諸寺故詩中及

此

身性幽閑養老形龜安氣息鶴全齡青蓮眼豁紅蓮  
舌薰誦法華八卷經

肥後拾遺源君頃間臥病醫療歷月而有靈

驗今已用无妄之藥病間賦來歲正朔詩

句意格律邁于尋常圭復不置且賀之曰

來歲必有全復之効慶賀之餘奉次絕句

韻



病牀喜色美而都今古養身如合符不借陶家碧霞  
術丹心一寸賤參蘓

白樂天

蘭省草庵時措宜行藏唯任一心知唐家興廢天人  
理總入三千長短詩

嚴寒早起觀之則積雪盈尺因賦一絕

昔歌白雪倚前欄今擁紅爐伴伯歡豫祝來牟漸豐  
熟飢民忍凍不憂寒

除日吟二首

門風興起一家肥齡逼久期身事微地下若逢吾父

祖一言一行更無違

送舊迎新一歲周踈慵偃卧抱衾裯長生有悔意何

益夕日愛孫無所求

春初家事悉畢有懷加能越三國主管公因

賦一絕

弱冠識韓至八旬誠心實行互相親我唯知德公知

我交義後前無一人

翠柳含萌

正月  
熟會

春自柳陰深處回嫩芽穉甲日相催天機欲織煙絲  
綠斐彼文章待化裁



答謙舊門生飯田忠厚 并序

我先考弘文院學士承續大業尊崇文廟  
引集門徒興隆儒風然未全遂志任運待  
時齡踰六旬倦衰臥病于時飯田忠厚遠  
出讚州陪侍卧褥距今殆五十年逮常  
憲廟統御闔國恢起儒風我雖不肖蒙春  
遇晝夜侍講忠勤竭力超類拔群昇位擢  
官新建文廟廣宜學化習誦如市門徒成  
林忠厚監護庠寮指揮諸生激勵盡情事  
務服勞嘗筮仕彥根中將俸祿有足我今

形羸身老解佩致仕志操不變夷險一節  
忠厚問安之暇日視心感每逢知音歎稱  
不措且告曰舊時同友悉亾僕獨存命也  
惜哉無可言說也今茲孟春和我詩祝壽  
域之無疆頌後昆之榮以抒寸衷而示五  
絕蓄思可嘉懇款堪謝因賡二韻永貽後  
證云

衰齡枯朽懶慵身五十餘年同遇春花裡尋師壇上  
會芳盟有約本來真

志殲氣倦省吾身一事無成迎送春內翰夢婆逐時



變坡翁不悟是非真

上元月

今宵  
庚申

十二圓中月照庭  
徹燈守夜鎖疎櫺  
辛盤菜勝榘稜  
味罵笑三姑血白青

肥後拾遺君和元夜見月詩乞再和老衰懶

散詩力屈退然所乞難默因押原韻

風雲鬣隼一方庭  
晴影玲瓏八面櫺  
千炬燈花却無  
用靜吟門上柳枝青

被孫兒誘觀猿舞

輕舞蹁躑殆逼真  
倒懸跪坐學成新  
世情不悟多如

彼人使糊孫孫使人

顯祖七十三回忌  
辰僕亦殘生雖存  
衰耗垂

歿追遠感時不堪  
衰慕因賦一絕

忌辰悲慕恨無窮  
老病雖生歿亦同  
地下相逢若相  
問今時不似舊時風

上已

春服初成脫舊衣  
欲言素志事皆非  
老衰應被冠童  
笑風浴無心與世違

入寢不寐賦所思

半壁殘燈四顧幽  
春寒畏縮抱衾裯  
身逢百億萬憂



樂老大忘情心事休

瓶菊圖

東籬秋老色香存金葉素葩枝葉繁知己淵明千歲  
遠瓶中別有晉乾坤

雞圖

喔喔聲高關可開司晨時夜曉夏催絳冠鐵距非無  
意人世難逢文武才

竹圖

斐彼直竿文質俱交枝接葉德何孤霜威雪戰不能  
敵甲刃鏦鏦萬丈夫

竹雀

雪節霜根枝葉垂風吹雨洗綠猗猗斐然卓立丈夫  
操侑有兩三黃吻兒

黃白牡丹

錦葉含風紅玉冠素英承露白玉盤卯醺宴罷眠新  
覺妃子醉醒有兩般

富士山圖

迴視他山有若無峻嶒竦立接天衢風飄白羽雪非  
雪扇影移雲八陣圖

述情



鳳閣全書 卷之十一 七  
人世渾如大夢然夢中日月早推遷前朝風化家家  
改獨抱舊情八十年

星夕有感而作二首  
銀漢瞻望不可親南飛烏鵲去來頻星盟勿恨時相  
見猶有世間永訣人

天上佳期別後秋秋心二字合成愁願絲相約終無  
益空望人間乞巧樓

奉和研覃居源君星夕絕句韻祝病魔早退  
千古佳盟歲歲新莫比人世後前因星河一滴清涼  
散靈藥分方洗暑塵

中元偶作

昔祝中元澣我衣今時心事總相違蘭盆蓮飯安虛  
設試問亡魂歸不歸

肥後侯被示雁來紅詩吟誦不已因裁一絕  
湘妃滴淚染班竹望帝托魂開杜鵑花鳥飄紅雁來  
後秋叢修約亦何緣

研覃源公和余雁來紅詩以辱厚惠起句韻  
險故步其韻趾別賦秋海棠

清如上林逐風蟬美似南漪入殿鶻妃子睡容猶未  
足秋粧餘色好因緣



留雪巖 并序

有一盆石其形狀山惟肖中央白點凝結  
 下傍縞帶聯曳恰似夏雪不消四時殘宿  
 古人詠太平山曰寒巖留夏雪因以名焉  
 莫論遠樹奪鮮鶴不是深林失白鷗准比同雲微霰  
 集休祥託石太平山

和木食上人單信倭歌 并序

仲秋丁日昌平坂文廟修祭儀嫡孫泰助  
 九歲始與祭事一家之喜莫以加焉木食  
 上人單信賀之以寄倭歌因和其末字

瑞日雲晴聖殿頭瀾蘋沼藻弄輕柔學苗秀出期秋  
 實家世傳芳泗水流

柳燕圖

昵昵風溫陌上泥千絲萬縷影高低春陰來去無人  
 識遠人未央尋舊棲

山水圖

碧岑翠嶂水雲餘樹樹交陰接大虛茅屋三間誰任  
 得要須不是俗人居

十三夜抒志

菊未全開月未圓重陽節後雨餘眠人心有約天無



意今已匪今振古然

謝贈菊

黃落山川秋已高傲霜枝葉草中豪始知氣類相求  
應陶亦菊花花亦陶

玉津島明神

絕代佳人衣上身蠟蛸報喜結婚姻王容垂跡玉津

島生則寵妃沒則神

容體潔白透衣  
故稱曰衣通姬

奉和肥後侯寒燈一花

膏油凍合影斜斜照破簡編韓子家半壁殘光能繼  
畧一枝却勝九枝花

冬至偶吟

日影從今添線長白灰吹律氣揚揚老衰不管先王  
語獨閉書關祝一陽

立春懷舊

身體雖存心則亾陽春有脚立彷徨殘生無一箇歡  
樂條風吹起斷愁腸

季冬廿八日雞峯四十五回忌辰追慕含悲

而作

四十五度諱辰周柳淚吞聲休又休已覺青陽歲除  
逼白頭翁抱白頭愁



奉賀忘言齊六十三歲壽

東之已極人臣位馬氏曾稱矍鑠翁椒酒三盃豪氣  
發長生花下醉春風

鶯出幽谷 正月 熟會

韶色滿林風律新黃鶯得所領青春好音隔葉喜遷  
曲喚起南陽耕隱人

林三陽八十子一族也以文學仕于肥後侯

隱居有年因賦一絕以祝之賀之

老齡莫忘我家情守口如瓶防意城遐壽偶同雙井  
數春茶一椀乳泉清 詩中用富鄭公八十歲之語  
語且曰小右山乳泉之事

孔雀圖

身存九德憇三危輪尾舞收修羽儀十二玉臺何處  
所欲追王母宴瑤池

桃源浮花二晉 春丁 釋菜

春入仙源花氣新商山唯隔水雲隣紅桃不及紫芝  
色却有漁人來問津  
夾岸紅桃奪彩霞漁翁怪問是誰家洞門深鎖秦雲  
斷周化猶餘天灼花

祖姚忌辰

別來七十五春風昔日小童今老翁識得桃花輕薄



鳳岡全集 卷十一 十一  
物年年不改舊時紅

上巳言志

春服既成桃亦華已辰麗景祝孫子  
老衰難逐浴沂志禊事暗修唯爲家

十二歲童子詠梅絕句幼年之作可以感莸

乃和其韻

喚做冰肌玉骨身英童語句可稱神  
梅花小字二十八期祝江南第一春

賀七十壽筵

輪翅祝年鶴暮歸琴絃奏曲雉乾飛  
賓筵交酌一樽

酒天錫遐齡自古稀

程明道

春陵問學指門扉聖道本根知者希  
上下同流浴沂

志光風霽月弄吟歸

昌陽引年

鑿官數原通玄母氏  
開筵賀六十齡筵

貞操抽青壽色奇南風解愠北堂慈  
仙家九節傳靈

杖分取蓬瀛綠玉姿

先妣忌辰

衰老身存若死然感時追遠日悄悄  
靈龜天也諒人否泣血無乾廿六年



星夕

鵲橋乘月渡天河盟會早知良夜過乞功辛勤竟何  
益二星可笑願絲多

述志

細雨蕭蕭雲路遙星盟千古約今宵人間偕老已無  
幾恨在銀河烏鵲橋

黃鶴樓吹笛圖

黃鶴樓高高入雲幽情託月遠離群一聲長笛天仙  
會此曲人間不得聞

鳳集楓樹

秋丁  
釋菜

炎運分光楓葉紅料知世世漢家隆膠東餘化上林  
苑瑞鳳翔飛王者風

九月十三夜

風淒露肅夜漫漫輪影飛光漸欲團天意無情人有  
意認成前後半秋看

東方朔持桃圖

讀史談兵總無用俳優奇怪語云云仙桃結實三千  
歲日域移根重一斤

亾妻十六回忌辰祀堂墳墓祭事畢頃間嫡  
婦有故而大歸本家此是亾妻嫡女感懷



殊切也仍賦一絕

人事多違不易言為雲為雨覆而翻昔時舊約都無益地下推知悔世婚

鶴契齡

賀岡田將監善偕六十壽

輪翅風回飄縞衣白頭添色一家肥寄聲相約千年壽人世又逢丁令威

亾子雞峰四十六回忌辰作追悼詩

永訣昔曾寤寐思老衰無賴日傷悲呼童扶起供染菜明歲存亾不可知

除夕

頽翁昏昏空睡眠唯期歲歲祖風傳行藏用舍水流亾又被曉鐘加一年

詣常憲廟謹賦二絕以述衷情

靈廟巍然跡漸陳夢過二十有三春清香滿袖風吹斲白髮泣花遺老身

萬物生生遇歲元靈魂不返與誰論何當入九重仙路長謙經筵舊日恩

辛夷開花

正月熟會

昔人曾愛辛夷樹歲歲見花問鞦川人亾花存世情異芳意貽謀聲譽傳



護持院權僧正主真賀我米歲被惠唐絕和  
什且添以兩種丁寧之情可感謝矣乃和  
絕句韻以述隱居之志

世情踈濶不堪看雲水為家又為官罵笑尚之迷出  
處隱居拋擲鹿皮冠

與松尾直養 并序

松尾直養繼父之志歷事兩代其後近侍  
幼君忠勤竭力幸遂其志而致其誠然秘  
則人無知余獨得聞感之賞之勵之祝之  
頃間夢得一絕示之請余一語欲報新君

之恩奇其志以賦一絕

忠孝異途同一股勿忘勿怠勿休安男兒欲遂平生  
志指示精誠一寸丹

送小篠清尚 并序

小篠清尚洛陽二瀨之產也其父祖以來  
陪侍吾家世世克儉克勤身在洛陽瞻望  
江府雖隔千里彌彪內外曝背之志不怠  
獻芹之誠無忘今茲之夏有故東來未幾  
告歸吾今已老矣命在且暮仍賦一絕以  
貽後證



八十餘齡落日斜  
儒林世世吐文華  
舊知胤族若相問  
先主遺恩護一家

亾妾四歲忌辰殘  
生向死不堪惆悵  
仍賦一絕

絕

一別終天四歲移  
感時追遠淚淋漓  
滴空教細葛和風  
雪不澣我衣與我私

顯妣二十七回忌辰 并序

原夫母子天性之恩也  
無古今無貴賤無  
老少無賢愚均是一也  
生之日百里通情  
相感者曾參也死而後  
百里負米不忘者

仲由也余亦在昔清貧苦學  
孝養盡志其

得時祭祀有足彼此之間  
追慕哭泣不堪

哀慕今茲秋之初日之初  
正遇二十七回

忌辰身老氣乏扶起強立  
薄米蘋蘩之菜

屢吟蓼莪之詩哀而有餘  
憂而無盡因賦

一絕以述衷情

此太靈魂何處行  
老衰無賴可憐生  
白頭潸淚黃梅雨  
二十七年空復情

秋社歸燕 秋丁 釋菜

舊巢顧影出堂庭  
別後秋高雲路冥  
推徃知來擬周



易土泥莫汚大玄經

中秋并序

今茲秋半熟懷往事或陪金殿歌舞之席

或赴藍若園池之亭或應武林畫戟之招

或做私家詩聯之遊至今歲七十六回身

老齡傾仍賦一絕以抒寸情

予十一歲中秋雅筵初詩

作

一日日知前事非一年年覺此身微陰晴七十六回

宴今夜清光開戶希

中秋北野宮松梅院主有故東來偶遊余宅

樽酒觀月可謂曠歲奇遇也因呈一絕以

貽後證

兩地風雲一棹光靈宮北野及西陽佳期舉得月中

桂千歲文華傳德光

八兄六十六年忌辰有感而作

東籬節近菊將開六十六回腸九回世上教風衰已

久文苑不夢見英才

從四品酒井雅樂頭忠愛在前橋城卒去不

堪驚歎哀惜之餘賦一絕

善不為善惡亦然人間禍福互相遷茫茫天理難論



辨老大徒悲獨懶眠

九月十三夜

老軀已覺逐年衰安臥陰晴總不知頑懶無心與騷  
會童蒙求我一篇詩

哭野桃源

并序

交誼之道振古而然昔者仲尼之遇程木  
子締交于傾蓋之頃吳祐之遇公沙穆定  
交于杵臼之間其餘寄懷于一夢中命駕  
于千里外或忘年或忘形或刎頸或剖心  
或金石或膠漆或挹袂或得意或耐久或

傾情也如此之類不可枚舉桃源野沂者  
醫官法印元德孫也其子曰竹洞野節自  
幼親炙我門修子弟之好而後以文學顯  
於世與我同勤公事同會史館有故藝居  
終命別莊野沂者竹洞子也不忘世好負  
笈載酒有年於此今茲九月某日俄罹急  
疾無驗歸泉及聞訃吞聲而嘆拍手而哭  
方今我齡通氣乏眼昏耳塞拋杖賦詩操  
筆下淚

晝窻夜机口津津床榻身存不見人同心互認斷金



利老父交遊骨肉親

渡唐天神蜀

夙汲儒流窮道源本邦意氣在中原生前不遂遺唐使  
使依託梅花反夢魂

長尾分哲六十壽詩

并序

衛生家長尾分哲者全菴子也今茲六十歲其子某開宴賀之偶當冬至我與全庵久互相知交接太睦存敬慕之義竭丁寧之實或贈珍羞或贈藥物親切之志於今不忘且使長子分哲執子弟之約彌厚累

世之交近歲分哲為鑿官敘法限位不辱其所生珍重至祝可以嘉賞因賦鄙詩特期餘慶

囊藥傳家如有靈鬢毛添白眼睛青料知壽域養根  
蔕千歲松生千歲苓

城內城外甘露降 大君幕下歡喜有餘因

賦一絕奉賀

和氣如春來一陽先知文化武威揚萬年枝上太平  
瑞滴滴隨風散玉漿

奉賀

尊大嗣君新婚

并序



夫婚姻者五倫之始一家之基也猶如陽  
之於陰晝之於夜自古受命之主監國之  
君守成之志繼述之體彰其志勤於當時  
飛英聲於後代孝義之德傳授之道不息  
不怠懿哉至哉今茲辛亥季冬望日我  
尊大嗣君應鳳鳥之占中孔雀之目列侯  
仰瞻緝熙之勳而感麟趾之族兆民祝長  
久之治而期龜息之齡僕幸生是之時遇  
如此美然身老齡頽舌涸耳塞不能言其  
永譽不能聞其全趣矣可勝而嘆哉僅賦

一絕以述寸忱

冬景如春雲物新  
瑟琴好合樂情親  
金針裁出鴛鴦  
繡衣被九州四海人

和白井氏賀我壽筭和歌末字

七旬自古稀相見  
何況八旬筭老齡  
不須却老一盃  
酒臥床夏酌醉六經

除日吟二首

今年欲盡迎明年  
知得流光驀地遷  
不富不貧生業  
足無榮無辱老身全

杏壇灑掃貽孫子  
瓢巷起居念祖先  
西嶺日傾齡已



通薄水勿忘又深淵

常憲廟主二十四回忌辰不堪追慕作一絕

以拭老淚

文道武名天性才威加海內萬方推台星墜地二十

四花信春回人不回

鶯聲和雨

正月  
熟會

鶯語丁寧奏喜遷林間餘滴互相傳雲晴江上一犁

雨花裏管絃滿舜田

鳳岡林先生全集卷之七十





